

Ndebele - Amahubo - Praying WP Psalms

Amahubo 68:1 UNkulunkulu kaphakame, izitha zakhe azihlakazwe; izitha zakhe azimbalekele.

Amahubo 5:9,10 Kalikho lalinye ilizwi lomlomo wabo elithembekileyo; inhliziyo yabo igcwele ukubhidliza. Umphimbo wabo ulingcwaba elikhamsileyo; ngolimi lwabo bakhulumu inkohliso. 10 Tshono uthi balecalala, O Nkulunkulu! Akuthi amacebo abo abe yikuwa kwabo. Baxotshele khatshana ngenxa yezono zabo ezinengi, ngokuba bakuhlamukile wena.

Amahubo 11:6 Ababi uzabehlisela amalahle avuthayo lesalufa etshisayo; umoya otshisayo uzabahaqaza.

Amahubo 18:14 Waciba ngemitshoko yakhe wahlakaza izitha, izikhatha zombane ezinkulu zabalalisa ucaca.

Amahubo 18:17 Wangilamulela esitheni sami esilamandla, ezitheni zami ezazingigabhela ngamandla.

Amahubo 18:39 Wena wangihlomisa ngamandla okulwa impi; wenza abaxabana lami bakhothama ezinyaweni zami.

Amahubo 18:45 Bonke baphela amandla, beze begedezela beqhamuka ezingabeni zabo.

Amahubo 27:11 Ngifundisa indlela yakho, O Jehova; ngihola endleleni eqondileyo ngenxa yabacindezeli bami.

Amahubo 35:1-8 Xabana labo, Jehova abaxabana lami; lwana labo abalwa lami. 2 Thatha isihlangu lewisa; phakama uzongilamulela. 3 Phakamisa umkhonto lesijula, ukuqondise kwabangihlaselayo. Tshono kumphefumulo wami uthi, "Ngiyikusindiswa kwakho." 4 Sengathi labo abazingela impilo yami bangayangiswa bathelwe ngehlazo; sengathi labo abafuna ukungidiliza bangabuyela emuva bedumazekile. 5 Sengathi bangaba njengamakhoba emoyeni, ingilosи kaJehova ibe ibadudula ibaxotsha; 6 sengathi indlela yabo ingaba mnyama itshelele, ingilosи kaJehova ibe ibahlezi ezithendeni. 7 Ngokuba bangithiya ngamambule abo ngingonanga lutho, baphinde bangimbela umgodi kungelasizatho, 8 sengathi bangadilizwa belibebe – lawomambule abawathiyileyo abahilele, sengathi bangawela kulowomgodi babhidlizwe.

Amahubo 52:5 Ngeqiniso uNkulunkulu uzakwehlisela ukubhubha okungapheliyo: Uzakuhlwitha akukhuphe ethenteni lakho; uzakuquphula akususe elizweni labaphilayo.

Amahubo 60:12 Nxa siloNkulunkulu sisanqoba, njalo uzazinyathelela phansi izitha zethu.

Amahubo 66:3 Yitsloni kuNkulunkulu lithi, "Imangalisa kangaka imisebenzi yakho!

Amahubo 68:35 Uyamangalisa, O Nkulunkulu, usendlini yakho engcwele; uNkulunkulu ka-Israyeli upha amandla ebantwini bakhe. Indumiso kayibe kuNkulunkulu!

Amahubo 70:1 Phangisa, O Nkulunkulu, ungisindise; O Jehova, woza masinyane uzongisiza.

Amahubo 71:13 Sengathi labo abangethesa amacala bangabhubha beyangekile; sengathi labo abafuna ukungilimaza bangabhixwa ngehlazo lokuyangeka.

Amahubo 76:12 Uyephula ubuqholo bababusi; uyesatshwa ngamakhosi omhlaba.

Amahubo 118:10 Zonke izizwe zangihanqa, kodwa ngegama likaJehova ngazichitha.

Amahubo 118:12 Zangiminyezela njengezinyosi kodwa zafa masinyane njengokungunguma komlilo wameva; ngebizo likaJehova ngazichitha.

Amahubo 149:8,9 babophe amakhosi azo ngezintambo lezikhulu zabo ngezibopho zensimbi, 9 ukugcwalisu kubo isigwebo abasibhalelwayo. Lokhu kuyinkazimulo yabangcwele bakhe bonke. Dumisani uJehova.

**Pastor T. John Franklin
Church of Salvation, Healing, and Deliverance
COS-HAD.org**